

## AUGLÝSING

### um nafn á sveitarfélagi því sem til varð við sameiningu Hlíðarhrepps, Jökuldalshrepps og Tunguhrepps.

1. gr.

Nafn hins nýja sveitarfélags, sem til varð á grundvelli auglýsingar nr. 616/1997, skal vera Norður-Hérað.

2. gr.

Auglýsing þessi öðlast þegar gildi.

*Félagsmálaráðuneytinu, 15. október 1998.*

**Páll Pétursson.**

*Sesselja Árnadóttir.*

Nr. 621

15. október 1998

## SAMÞYKKT

### bæjarstjórnar sameinaðs sveitarfélags Eskifjarðarkaupstaðar, Neskaupstaðar og Reyðarfjarðarhrepps um útvístartíma barna og unglinga.

1. gr.

Útvístartími barna og unglinga í sameinuðu sveitarfélagi Eskifjarðarkaupstaðar, Neskaupstaðar og Reyðarfjarðarhrepps skal vera sem hér segir:

	<u>Sunnudaga til fimmtudaga</u>		<u>Föstudaga og laugardaga</u>	
	<u>Vetur:</u>	<u>Sumar:</u>	<u>Vetur:</u>	<u>Sumar:</u>
6 ára (1. bekkur)	til kl. 20.00	til kl. 22.00	til kl. 20.00	til kl. 22.00
7 ára (2. bekkur)	til kl. 20.00	til kl. 22.00	til kl. 20.00	til kl. 22.00
8 ára (3. bekkur)	til kl. 20.00	til kl. 22.00	til kl. 20.00	til kl. 22.00
9 ára (4. bekkur)	til kl. 20.00	til kl. 22.00	til kl. 20.00	til kl. 22.00
10 ára (5. bekkur)	til kl. 20.00	til kl. 22.00	til kl. 21.00	til kl. 22.00
11 ára (6. bekkur)	til kl. 21.00	til kl. 23.00	til kl. 22.00	til kl. 23.00
12 ára (7. bekkur)	til kl. 21.00	til kl. 23.00	til kl. 22.00	til kl. 23.00
13 ára (8. bekkur)	til kl. 23.00	til kl. 24.00	til kl. 24.00	til kl. 24.00
14 ára (9. bekkur)	til kl. 23.00	til kl. 24.00	til kl. 01.00	til kl. 01.00
15 ára (10. bekkur)	til kl. 23.00	til kl. 24.00	til kl. 01.00	til kl. 01.00

Vetrartími samkvæmt ofangreindu er frá 1. september til og með 30. apríl, en sumartími frá 1. maí til og með 31. ágúst.

2. gr.

Aldursmörk samkvæmt þessum reglum miðast við fæðingarár.

Samþykkt þessi, sem bæjarstjórn sameinaðs sveitarfélags Eskifjarðarkaupstaðar, Neskaupstaðar og Reyðarfjarðarhrepps hefur sett skv. 57. gr. laga um vernd barna og ung-

menna, nr. 58/1992, með síðari breytingum, staðfestist hér með til þess að öðlast gildi þegar í stað.

*Félagsmálaráðuneytinu, 15. október 1998.*

**Páll Pétursson.**

*Forgerður Benediktsdóttir.*

16. október 1998

Nr. 622

## REGLUR

### um ferðastyrk sjúklinga vegna brýnnar sjúkdómsmeðferðar erlendis.

#### 1. gr.

##### *Réttur til ferðastyrks.*

Tryggðir sjúklingar, sem nefnd skv. 35. gr. laga um almannatryggingar hefur metið að brýn nauðsyn sé að njóti sjúkdómsmeðferðar erlendis, skulu eiga rétt á ferðastyrk skv. reglum þessum, sbr. þó reglur um þátttöku í kostnaði við glasaftrývgun erlendis. Heimilt er að greiða ferðastyrk að hluta eða að fullu skv. reglum þessum fyrir aðra tryggða sjúklinga sem af ótvíræðri nauðsyn leita sjúkdómsmeðferðar erlendis.

#### 2. gr.

##### *Fargjald.*

Fargjald er greitt að fullu báðar leiðir milli Íslands og þess staðar þar sem meðferð er fyrirhuguð.

#### 3. gr.

##### *Fylgdarmaður.*

Greiða skal ferðastyrk fyrir fylgdarmann sjúklings ef sjúklingur er innan 18 ára aldurs, ósjálfbjarga eða mjög mikil áhætta fylgir meðferð/ferðalagi. Við sérstakar aðstæður getur verið nauðsynlegt að fylgdarmaður sé heilbrigðisstarfsmaður. Að jafnaði skal einungis greitt fyrir einn fylgdarmann, en ef læknisfræðilegar ástæður krefjast þess að heilbrigðisstarfsmaður fylgi sjúklingi er heimilt að greiða fyrir tvo fylgdarmenn. Þetta á aðallega við ef sjúklingur er yngri en 18 ára. Ef um er að ræða erfiða sjúkdómsmeðferð vegna lífshættulegs sjúkdóms er þó heimilt að greiða ferðastyrk fyrir báða foreldra (eða tvo nánustu aðstandendur) ef sjúklingur er innan 18 ára aldurs.

Ef sjúklingur sem fengið hefur samþykktu fylgd verður að dveljast erlendis a.m.k. sex vikur er heimilt að greiða ferðastyrk vegna mánaðarlegra skipta á fylgdarmanni.

#### 4. gr.

##### *Uppihaldskostnaður.*

Nauðsynlegur uppihaldskostnaður sjúklings erlendis utan sjúkrastofnunar svo og nauðsynlegur uppihaldskostnaður fylgdarmanns skv. 3. gr. greiðist í formi dagpeninga. Dagpeningar fara eftir sömu reglum og gilda um þjálfun, nám og eftirlitsstörf ríkisstarfsmanna á ferðalögum erlendis, sbr. nú auglýsingu ferðakostnaðarnefndar nr. 3/1998 og umburðarbréf nefndarinnar frá 1. júní 1998. Þó skulu aldrei greiddir almennir dagpeningar og einungis greiddur fjórðungur dagpeninga fyrir börn yngri en fjögurra ára og hálfir dagpeningar fyrir fjögurra til ellefu ára börn. Ef fylgd heilbrigðisstarfsmanns hefur reynst nauðsynleg skal hann eiga rétt á greiðslu dagpeninga í samræmi við gildandi kjarasamninga. Ef samþykktur hefur verið ferðastyrkur fyrir báða foreldra (nánustu aðstandendur) barns greiðast uppihaldsdagpeningar að fullu til annars foreldris en að hálfu til hins.